

A. N. C.
1878

58

10



DISSERTATIO EPISTOLICA

DE

T A N F A N A
MARSORVM

POPVLII GERMANIAE



D E A,

QVA

V I R O

PRAECELLENTISSIMO ATQVE DOCTISSIMO

M. JOANNI RVPPRECHT

RECTORIS SCHOLAE NORIMBERGENSIS AD D.

LAVRENTII PROVINCIAM

LAETVS GRATVLATVR

M. JOANNES CONRADVS HARREPETER

REV. MIN. NOR. CANDIDATVS.


VIAO. MOSENF. ET. EXCELL. CA. TISSIMO
 DOM. LOH. ADOR. MICHAEL. NAGEL

Se cum clauis. tractare de meliori can.
 M. Joh. Conradus, Schol. Cant.

C. PLINIVS SECVNDVS,

In Historiae naturalis Praefatione.

Res ardua, vetustis novitatem dare, novis auctoritatem, obsoletis nitorem, obscuris lucem, fastiditis gratiam, dubiis fidem, omnibus vero naturam, et naturae suae omnia. Itaque etiam non affectis, voluisse, abunde pulchrum atque magnificum est.



S. I.



tu multumque desideravi, Vir Praecellentissime atque Doctissime, qua ratione gratum in Te animum declarare possem meum. Tandem mihi arridet occasio longe optata, quum Rectoris Scholae ad D. Laurentii Norimbergensis provinciam obis. Gratulor novos ho-

A 2

nores.



nores. Liceat mihi in testimonium reverentiae in Te meae nonnulla de Tanfana Marforum, Populi Germaniae, Dea, brevissimis dicere verbis. TACITVS, Historicorum certe primus, occasionem huiusce Schediasmatis mihi praebeuit: TACITVS iste, quem prae ceteris Scriptoribus maximi facio, quemque verso manu diurna, nocturnaue. Quis enim est in Graecis aut Latinis, qui prudentiae omnigenae laude isti sese comparet? Singulae paginae, singulae lineae, dogmata, consilia, monita sunt. Quis illo verius narrat, aut brevius? Quis narrando magis docet? In moribus quid est, quod non tangat; in affectibus, quod non revelet? Nec enim Historia solum est, sed velut hortus et seminarium praeceptorum. Rectissime certe doctissimus olim GABRIEL NAVDAEVS in Bibliographia Politica de Tacito iudicavit: *Si pueri, ait, olim Juris Civilis studium aspiciant, Leges duodecim Tabularum, tanquam necessarium, ediscebant; cur non et Politici, rei publicae clavum gubernaturi, huius Auctoris scripta memoriae penitus commendabunt, a quibus exempla simul atque oracula petant, ipsius rei publicae bene et feliciter administrandae.* Haecce addam. Non solum Politicis, verum omnibus et singulis liberalium Artium cultoribus Taciti lectio curae cordique esse debet. Sed ad rem veniamus.



§. II.

In lectione Taciti locus iste Annalium lib. I. cap. 51., in quo Tanfanae, Marforum, Populi Germaniae, Deae, cuius Templum milites Germanici solo aequantur, Auctor noster mentionem facit, semper obscurus mihi fuit, et altis involutus tenebris. Locus ipse sic sonat: Profana simul et sacra, et celeberrimum illis gentibus Templum, quod Tanfanae vocabant, solo aequantur. Omnes evolvi Taciti Commentatores, omnes legi, reliquique; nihilo tamen minus semper me latuit, qualis Tanfana Veterum Germanorum fuerit Dea. Multa quidem Viri alias eruditissimi olim hac de re disputarunt; at frustra lucem in scriptis eorum quaeres. Quam ob causam periculum faciam locum Auctoris nostri e tenebris eruere. Quumque horas subssecivas meas Historiae Patriae, et per pronom consequentiam Antiquitatibus Germanicis sacrarum, non inutile fore, iudicavi, Primitias haece Exercitationum, Observationumque Antiquitatum Germanicarum, Deo volente, occasione data, publici iuris faciendarum, Tanfanae, Deae Marforum, Populi Germaniae, dare.

§. III.

Omnes et singuli Taciti commentatores inter sese
A 3 dissen-



dissentiunt, quum de Tanfana, Marforum Dea disputant. Nonnulli, et maximus illorum est numerus, nonnulli, dico, existimant, Tanfanam et Mercurium, aut sicuti alibi eum vocant, Hermes, Wodan, Gwodan, Godan, unam eandemque Divinitatem priscis fuisse Germanis. Alii derivant de Tanne, Tanne, arbore, et Fanum, quod et significat Lucum quendam sacratum. Sed omnes hi viri alias eruditissimi sese fallunt. Et quisnam omnes Eruditorum opiniones, enumerare poterit. Primam supra allatam coniecturam omnibus viribus defendere conatus est, Vir olim doctissimus, PHILIPPVS CLYVERIVS, in libro, cui titulus est, *Germaniae Antiquae Descriptio*. Existimat nimirum Cluverius, quum dicti Taciti Annalium libro I. mentionem facit, Tanfanam nullo prorsus modo differre de Mercurio; sed potius affirmat, Deam nostram et Mercurium priscis fuisse Germanis unam eandemque Divinitatem. Deinde Tanfanam et Baduhennam unum idemque Numen esse credit. Ipsa Cluverii verba addam. Editio Elzeviriana mihi ad manus est, Lugduni Batavorum 1631. THEVTH, dicit, pag. 181. THEVTH olim significabat Principium, et Tanfana priscis erat Germanis TH ANFANG, quod nihil aliud, quam Principium notat. Haec sententiae, pergit, uti ego quoque accederem,

derem, movit, five Dei, five Deae Nomen, eidem Auctori Amalium libro IV. cap. LXXIV. memoratum, in Frisiorum gente: Mox compertum, inquit, a transfugis, nongentos Romanorum apud LVCVM, quem Baduhennae vocant, pugna in posterum extracta, confectos. Hic quid Baduhennae vocabulum significat, coniecerunt ii, quibus lingua Arabica cognita. Arabes quidem Principium five Initium dicunt Bedon. Sed nullo prorsus modo video, cur nos oporteat adire Arabes ad explicandam vocem Tanfana, quum ipsa lingua Germanica radicem vocis Tanfana nobis praebet. Quod potest fieri per pauca, non debet fieri per plura. Deinde perspicere mihi non licet, vocem Tanfana, relationem vel cognationem ullam habere cum voce Baduhenna. Nulla certe ratione Cluverius unquam probare potuisset, Tacitum aliqualem posuisse relationem inter Tanfanam et Baduhennam. Ad IVSTVM LIPSIVM me converto. Vir olim celeberrimus putabat, Tanfanae Templum, locum fuisse sacrum, in quo Germani prisca Ignem adorauerunt. Haecce enim in editione Operum Taciti, quam dedit, Antvverpiae 1617. animadvertit: (Templum quod Tanfanae) *Quis Deus, quae Dea? Quidam ἐτυμολογίζουσι quasi esset Τανσανδ, quod lingua nostra Principium* Rerum.

Tan apud Anglo-Saxones, Tain, Tains, Teins, Taine, *Teen* apud Vlsilam, significasse Ramum, Virgulam, Surculum, certum probatumque est. Tein semper in vetustis *Monumentis Runicis* eundem habet significatum. Unicum saltem locum in medium proferam, ad fulcienda ea, quae dixi. Affirmavi Tains, Taine, in Scriptoribus Gothicis semper significasse Ramum, Virgulam, Surculum. Auctor mihi est Vlsilas in libro, cui titulus est: D. N. JESU CHRISTI SS. Evangelia ab Vlsila Gothorum in Moesia Episcopo circa annum a Nato Christo CCCLX. Ex Graeco Gothice translata, nunc cum Parallelis versionibus, Suevo-Gothica, Norraena seu Islandica, et Vulgata Latina edita, Stockholmiae 1671. Locus vero ad probandam thesin meam necessarius occurrit Joannis capite 15. versu 2, et sic sonat: All taine in mis unbairandane akran goth. usnimith ita. jah all akran bairandane gahraineith ita. ei managizo akran bairaina. Graece sic sonat: Πάν κλημα ἐν ἐμοὶ μὴ φέρον καρπὸν, αἶρεῖ αὐτὸ καὶ πᾶν τὸ καρπὸν φέρον, καὶ αἶρεῖ αὐτὸ, ἵνα πλείονα καρπὸν φέρῃ. Extra omnem certe dubitationis aleam positum est, vocem Taine hoc in loco significare Ramum, Surculum. Sic enim multis in locis, quos hic enumerare, supervacuum credo, invenitur, ut et vox *Teen*, Ramulus, Virgula,



gula, a *Tainia*, extendere. Placet quoque ea adiacere, quae olim FRANCISCVS JUNIVS in Glossario Gothico annotavit. *Tains*, dicit, significat Palmes, Virga, Virgula, maxime tamen Vitiginea, quae *Veinatains* dicitur Joannis, 15, 4. Belgis quoque *teenen*, vel *tienen*, sunt *Vimina*. Fortasse a *τίνω*, tendo, extendo; quod ea pro *lata* quaque versus flectere atque extendere solent. Graecis certe *τίνος*, vel *τίνωτος* dicitur, quicquid in longum ducitur atque extenditur; unde et Fascias et Laqueos proprie sic appellarunt. *Τίνας* et *τίωτος* idem sunt, ut *γίγνομαι* et *γίνομαι*, et similia. Atque inde *τίνα* et *τίωτος*, Parva fascia. Occurrit et *Tenus* apud PLAVTVM pro Vinculo vel Laqueo, quando apud NONIVM MARCELLVM ait:

Nunc ab transfenna turdus lumbricum petit:

Pendebit hodie pulcre, ita intendi *Tenus*.

MARCELLVS Laqueum interpretatur, et dictum a *Tendicula* dicit. Sed purum putumque Graecum est, τὸ τίνω vel τίωτος. Hinc *Tennes* etiam *Virgulas* ac *Pestucas* dixere *Tenos*, ut *Φιδέρις* Graeci. AELIANVS; Περὶ τῶν βασιλέων ἰδιότητων, ἢ μὴ ἀλόν, Φιδέριον ἔχει καὶ μαχαίριον ἢ ἐν τῷ. quo in loco *Φιδέριον* est *Tenus*. Unde et minutas ac tenues de Virga praecisa *Tesseras*, quibus ad fortiendum utebantur,

Tenos

Tenos vocabant; quod occurrit in antiquis Legibus Frisonum, Nimirum Tenus est ξαλφιν, παρφιν, id est, Sorticula lignea et Festuca. Sorticulae Buxae mentio fit in libro Agrimensorum. Hinc παρφία βάλαν pro Sortes ducere, occurrit apud Constantinum in libro de Imperio. Ac de isthoc sortium ducendum genere accipiendum, quod vulgo Curtam Festucam appellamus. Vide Salmasium in Tertulianum de Pallio, et et Vossium libro Secundo de Vitili serm. cap. 18. Anglo-Saxonibus Tan est Sors. Tan sendan, sortem mittere. Tanhlyta vel Tanhlytere, sortilegus. Insuper Lex quaedam Frisionum, Germaniae populi, de qua infra dicemus, maius sententiae meae addit robur. Nimirum Lex ista nos edocet, populum huncce, licet conversum, omni tamen tempore conservasse Divinationes et sortilegia. Quinque harum Divinationum mentionem facit, et modum explicare vult, nos instruit, populum huncce in sortibus educendis usum fuisse Talis de Virga praecissis, quos Tenos vocarunt, et Lex ista Tenos hosce nominat Sortes. Sed haec paulo post altius rimari cogitamus.

Fan seu Fana in Lingua Gothica significat Dominus, Domina. Talis vox haecce significatione gaudet apud Visilam. Sic nempe occurrit Lucae 1, 28. Fan mith-



thus, Dominus tecum. Mikileid faivala meina Fan, magnificat anima mea Dominum, Lucae 1, 46. Managai quithand in gainama daga Fan, Fan, Multi dicent mihi in illa die, Domine, Domine, Matth. 7, 12. Fan Goth- Vnfar, Fanains, Dominus, Deus noster, Dominus unus est, Marc. 12, 19. Fan, Domine, Matth. 8, 2, et 25. a Graeco πέν, unde Latinum Faunus, an potius a φάνης, quod Nomen erat Solis, Macrobius. Et sic vocatur apud Orpheum Amor, quod ex Chao primus apparuit. φανείδης ἦν, splendidus *Jupiter*. Idemque cognomen *Apollinis* apud Chios, teste *Hesychio*. Jam notum est sub nomine Oden a Gothis Solem, qui idem *Apollo*, antiquitus cultum. Mirum itaque non est, si Deum suum nomine Graec. πέν vel φάνης, Fan honorarunt. Communis enim cum Graecis ipsis sacra fuerunt. Gothi Septentrionales Christianismum amplexi, nomen hoc in abominationem verterunt, *Diabolum* ita vocantes. Positis hisce nullum plane superest dubium, vocem Tanfana dicere velle, Surculorum *Domina*, sive *Divinitas* ista, quae *Sortibus* per *Surculos*, *Virgulas*, aut *Talos institutis* praefuit. Id quod tam ex *TACITO*, quam ex *Lege Frisionum*, Germaniae populi, probare nitur.

§. V. In legendo TACITO de Moribus Germanorum locus iste mihi in manus venit, ubi TACITVS de Auspiciis et Sortibus veterum Germanorum loquitur. Locus ipse Capite X. sic sonat: Auspicia Sortesque, ut qui maxime, observant. Sortium consuetudo simplex. VIRGAM frugiferae arbori decissam in SVRCVLOS amputant, eosque notis quibusdam discretos super candidam vestem temere ac fortuito spargunt: mox si publice consulatur, Sacerdos civitatis; sin privatim, ipse paterfamilias precatus Deos, coelumque suspicans, ter singulos tollit, sublato secundum impressionem ante notam interpretatur. Si prohibuerunt; nulla de eadem re in eundem diem consultatio. Sin permissum; auspiciorum adhuc fides exigitur &c. Locum huncce legi, relegi, deciesque repetii, et demum mea ex sententia inveni. Tacitum loqui velle de Cultu isto Veterum Germanorum religioso, quo et eventum gravium bellorum explorare, et culpam vel innocentiam cuiusdam rei ex sortibus per Virgas institutis cognoscere crediderunt, cui Tanfana praefuit. Mentionem Auctor noster facit *Virgae frugiferae arbori decissae*, quam in Surculos

amputarunt. Pergit, Germanos Veteres Surculos istos
 notis quibusdam discrevissē, et super candidam vestem
 temere ac fortuito sparsisse: si publice consultabatur, Sa-
 cerdotem Civitatis: sin privatim, ipsum patrem familias,
 precatum Deos, coelumque suspicientem, ter singulos tu-
 lisse, sublato, secundum impressam ante notam interpre-
 tatū fuisse. Ceterum antiquum in sortibus ducendis
 morem fuisse, ex Virgis praecisis vaticinari, idque passim
 apud Paganos usitatum fuisse, omnes Graecarum Littera-
 rum gnari satis superque sciunt. Vnicum saltem locum
 adducam. Sic iam Schollaster Nicandri in *Itheriacis* ad illum
 versum animadvertit: (Καὶ πυθινὴς λαοῖσι νέον.) Μαῖοι καὶ
 Σούρας πυθινῶν μαντεύονται ἔθνη. Καὶ γὰρ οἱ πολλοὶ τῶν οἰ-
 κιστῶν μαντεύονται. Harum divinationum etiam mentio-
 nem facit *Anianus Marcellinus*, Libro XXXI. *Rerum Ges-
 tarum*, ubi de Scytharum divinatione loquitur. Ipsissima
 addam verba. *Futura, ait, miro praesagiunt modos: nam redio-
 re, Virgas vimineas colligentes, easque cum incantamentis qui-
 busdam secretis praestituto tempore discernentes, aperte quid porten-
 datur, norunt.* Celeberrimus olim **FRIDERICVS LIN-
 DENBROGIUS** in *Observationibus* suis in *Ammianum*
Marcellinum, editioni *Valesii* annexis, addit locum *He-
 rodoti*, in quo hanc Scytharum divinationem ita descri-

bit, libro IV. p. 177. Μάλιστα τὰς Σουθίων ἐπὶ πολλοὶ, δι
 μνησκόνται ῥάβδους ἐπὶ τῇσι πολλῶσι ὧδε ἐπειὶν φανέντες ῥάβ
 δων μαγικὰς ἐνέμενονται, αὐτὰς χαλκῶς διεξελίσσεται μύτας, καὶ
 ἐπὶ μίαν ἐκείνην ῥάβδον ταχύντες, διὰ πλίστου ἔργου τὰ ἄλφοντες
 πάντα, συνελίσσει τὰς ῥάβδους ὁπίσω, καὶ αὐτὸς κατὰ μίαν συν
 τισθεῖται, αὐτὴ μόντοι ἡ μαντικὴ πατρὸς ἐφί ἐστίν. Dantur, qui
 sortes haece per Virgas institutas a Virga Aaronis dimanasse
 putant. At sententiae huiusce sectatores eo magis festi
 fallunt, quum ista divinandi e Virgis consuetudo apud Asia
 ticas, Europaeasque gentes longe Germanorum divinandi
 morem praecessit. Sic enim HACHENBERGIUS re
 dictissime annotat in Dissertatione III. Germaniae Mediae, cul
 titulus; de Legibus Veterum Germanorum pag. 93. Non sequar,
 ait, eorum opinionem, qui totam illam sortium rationem a Virga
 Aaronis, cuius S. Scriptura meminit, dimanasse in nostras regiones
 putant: quum vetustissima et a primis post diluvium ducta tempo
 ribus illa divinandi e Virgis consuetudo apud Asiaticas Europae
 asque gentes viguerit. Operae certe praetium erit, ea repe
 tere, quae doctissimus olim ELIAS SCHEDIVS, in li
 bro de DIIS Germanis annotavit. Editio Elzeviriana mi
 hi ad manus est, Amstelodami 1648. Occasione loci
 Taciti, hoc in paragrapho dicti, ubi ῥάβδων ῥίον ἐπο
 νηται, haec capite XLIV. pagina 435, addit De Augustis

idem scribit Saxo Gram. l. XIV. Dan. Rugiani, inquit, Balthici maris accolae, tribus ligni particulis, parte altera albis, altera nigris, in gremium sortium loco coniectis, candidis prospera; survis adversa signabant. Legem Prifionum, cuius mentionem quoque facit, hic supergredior. Magi, pergit, praeterea et Scythae, teste Natali Comite libro IV. Mythologiae, per Lignum Myrticae vaticinabantur, et per alias multas arborum Virgas, quod genus Vaticinii a Medis etiam servari solitam, scriptum fuit a Dione libro I. tertiae compositionis: sicuti Tamiades per pelles caesarum victimarum, ignibus impositarum, si recte inciderentur: cum alias astragalis super mensis impositis Deorum vaticinari mos fuisset. *Ῥαβδομαντία* haec admodum familiaris erat Orientalibus, ut et ex Sacro Codice patet. Ezechielis capite XXI. v. 21. Stetit Rex Babyloniae in bivio: capite scilicet duarum viarum, divinationem quaerens: expoliivit tela et interrogavit idola, atque inspexit jecur. Seniores ita vertunt: *ἐστῆκεν βασιλεὺς Βαβυλωνίος ἐπὶ τὴν ἀρχαίαν ὁδὸν, ἐπ' ἀρχῆς τῶν δύο ὁδῶν. τῷ μαντίσασθαι μαντίαν, τῷ ἀναβέβῃαι ῥαβδόν, καὶ ἐπερωτῆσαι ἐν τοῖς γλυπτοῖς*, id est, stetit Rex Babylonis super antiquam viam, in principio duarum viarum, ut oraculum petat, et pacillum fervesciat, et interroget sculptilia. Vbi τὸ ῥαβδόν ad ῥαβδομαντίαν refertur, quae Orientalibus in usu erat, ut de Medis scribit Dio et Alexander in Tberiacle, ut Scholiastes

eius

eius interpretatur. Tò ἀναδύμενος autem, fervefacio significat, quia concutiendo sortes, ut miscerentur, ne pro lubitu uti imposita erunt, exirent, et sic fallerent consultantes, fervebant quasi, et incalescebant. Et huic opinioni suffragatur versio D. Hieronymi, qui sic scribit: Stabit in compito, et ritu Gentis suae Oraculum consulat, ut mittat sagittas in pharetram, et commisceat eas inscriptas, seu signatas nominibus singulorum, ut videat, cujus sagitta exeat, et quam prius Civitatem debeat expugnare. Hinc Deus T. O. M. apud Hoseam capite IX. (IV.) versu 12. hoc sortilegii genus exprobrat Judaeis: Populus meus Lignum suum consulat, et Baculus eius nunciat ei. Et de Baculorum seu Virgarum Sortibus intelligunt Praeceptum Negativum LII. R. MOSES MIKOTZI, et P. RICCIUS. Superfluum puto, ea adducere, quae ADAMVS BREMENSIS narrat, Capite VI. Historiae Ecclesiasticae, quia nihil aliud agit, quam ipsissima TACITI verba, Capite X. supra alata, repetere.

§. VI.

Ad Legem istam Frisonum, progredior, quae majorem huic rei affundet lucem. Et certe, ut puto, Lex ista nos convincet, Deam istam, quae Sortibus per Vir-



gas institutis praefuit, nullam aliam fuisse, quam Tan-
fanam. Adeamus Legem ipsam. Invenitur in Codice
Legum Antiquarum, quem FRIDERICVS LINDEN-
BROGIVS edidit, Francofurti, 1613. Inter Leges istas
Frisonum, etiam haec reperitur, pag. 496.

Titulus XIV.

De homine in Turba occiso.

Ipsissima verba repetam, ut ut habentur in Codice
Si homo quislibet in seditione ac turba populi fuerit interfectus,
nec homicida poterit inveniri, propter multitudinem eorum, qui
aderant, licet ei, qui compositionem ipsius quaerere vult, de ho-
micidio usque ad septem homines interpellare, et unicuique eorum
crimen homicidii obicere, et debet unusquisque eorum sua duode-
cima manu, obiecti Criminis se purificare sacramento. Tunc du-
cendi sunt ad Basilicam, et Sortes super altare mittendae, vel si
iuxta Ecclesiam fieri non potuerit, super reliquias Sanctorum, quae
Sortes tales esse debent. Duo Tali de Virga praecisi, quos
Tenos vocant, quorum unus signo crucis dinoscatur, alius purus
dimittitur: et lana munda obvoluti, super altare, seu reliquias
mittuntur, et Presbyter si adfuerit, vel si Presbyter deest, Puer
quilibet innocens unum de ipsis sortibus de altari tollere debet: et
interim Deus exorandus, si illi septem, qui de homicidio commissi
iura-

iuraverunt, verum iurassent. evidenti signo ostendat. Si illum, qui Cruce signatus est, sustulerit, innocentes erunt, qui iuraverunt: sin vero alterum sustulit, tunc unusquisque illorum septem faciat suam Sortem, id est Tenum de Virga, et signet signo suo, ut eum tam ille, quam ceteri, qui circumstant, cognoscere possint: et obvolvuntur lana munda, et altari seu reliquiis imponantur. Et Presbyter si adfuerit, si vero non, ut superius puer innocens, unumquemque eorum singillatim de altari tollat, et ei, qui suam sortem esse cognoverit, rogat. Cuius sortem extremam esse contigerit, ille homicidii compositionem persolvere cogatur, ceteris, quorum Sortes prius levatae sunt, absolutis. Lex haecce primo nos edocet, Frisiones, etiamsi e tenebris Paganismi ad Lucem Christianismi revocatos, semper tamen observasse Sortes istas, Divinationesque, de quibus loquitur Tacitus in loco supra recensito. Deinde magnum ista Lex addit robur, sententiae, opinioni, explicationique nostrae, quam hoc in Schediasmate probare conamur. Et certe quilibet exacte instituta perquisitione loci huiusce videbit, maxima probabilitate, immo aliqua non prorsus contemnenda certitudine dici, affirmarique posse, Tanfanam, Deam Sortium per Virgas institutarum fuisse. Lex ista opinionem nostram suffulciet. Duo in ista Lege potissimum observanda sunt. Primo. Lex ista nos

edocet, Frisiones in Sortibus ducendis usos fuisse Talis de Virga præcisus, quos Tenos vocarunt. Deinde, in eadem Lege phrasis occurrit: Faciat suam Sortem, id est, Tenum. In Paragrapho IV. Dissertationis meae probavi vocem Tanfana compositam esse ex antiquo Tan, Tain, Tains, Teins, Taine, **Tenn**. Exposui voces hæc significare Ramum, Virgam, Surculum. Ad probandam significationem harum vocum adduxi locum Vissilæ, Monumenta Vetusita Runica. Mea igitur ex sententia nullus dubitabit, maxima probabilitate, plus dicam, magna certitudine dici, affirmarique posse, Tanfanam, Surculorum Dominam, aut Deam Sortium per Virgas aut Surculos ducendarum fuisse. Sed fortasse quidam mihi obiiciet, nullo modo et in Loco Taciti supra recensito, et in Lege Frisionum mentionem fieri vocum Tan, Tain, Tains, Teins, Taine vel **Tenn**. Respondeo, negari non posse, nullam de hisce vocibus occurrere et in Loco Taciti, et in Lege Frisionum. Sed hoc non impedit, quo minus sensus harum vocum semper in sit voci Tenuis. Posita enim re, ponitur etiam nomen rei. Insuper quis nescit, et veteres Romanos, et omnes alios populos, voces, e lingua alius populi quaesitas, et civitate donatas, ad genium linguae suae accommodasse.

Itaque

Itaque nulla certe ratione absurdum puto, Auctores Latinos vocibus de alia gente, alia lingua accessitis, terminationem dedisse latinam. Hoc, ut vidimus, extra omnem dubitationis aleam positum, et luce meridiana clarius est, et Tacitum, et Legem Frisionum idem dicere velle, quod nos in Schediasmate hocce satis superque demonstravimus.

Ad TE redeo, amicissime Rupprecht. Cui enim majori Jure ac Tibi primitias hasce Exercitationum Antiquitatum Germanicarum dare potuissim? Primus enim Germaniam Antiquam mihi delineasti, inque Tacito, Historicorum certe principe, Maiores, virtute claros, monstrasti nostros. Moderator studiorum meorum olim Norimbergae fuisti, meque Liberalium Artium Sacris initiasti. Leucopolis ad Nordgaviam Curae fideique Tuae optimum, quem possidet, thesaurum, inventutem bonae indolis, credidit. Amore, quo Te semper sum profecutus, pulsus, Weissenburgum Tecum petii, Teque ibi, per duorum annorum spatium, audivi. Postulabat hoc summa, quae mihi Tecum intercedit familiaritas, atque necessitudo, quae non inconsulto impetu, sed virtutis et benevolentiae Tuae stabilitate nititur: quamque peperit mutuus voluntatum studiorumque consensus, quo nihil




hil mihi in vita iucundius contingere potuit. Nunc Patrios Lares bono omine repetis. Scilicet Norimberga, Patria dulcissima, Perillustrium Scholarum Curatorum favore ac benevolentia, Te hodie Scholae Laurentianae salutat Rectorem. Gratulor Patriae, gratulor Tibi. Patriae, quae Viro profundae eruditionis, dicendi perspicua facundia praedito, optimoque studiosae iuventutis amico, gaudet. Tibi, qui praemia studiorum Tuorum, longe merita, nunc hauris. Ceterum Deum T. M. O. ardentissimis adeo precibus, ut Te in rei publicae litterariae decus, ac ornamentum, studiosae iuventutis commodum, Tuorumque solatium certissimum multos per annos saluum praestet, atque incolumen. Quod superest, Tuo me favori, amorique commendatum ut habeas, etiam atque etiam obsecro, rogo, contendo.

Dabam Parisiis, pridie Kal. Octob.

A. S. R. clolo CCLXII.







58.10 =





GIUSEPPE MASI
RESTAURATORE
FIRENZE

